



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvirgensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Introductio ordinis ad Ecclesiam cum libertatibus à sede.

urn:nbn:de:hbz:466:1-13591

Chum. de *Itbēspach*. *V Vernber* & frater eius *Richger* de *Osterna*. & plures alij sub ead. sigilli nostri impressione firmamus, & banno prædictæ Ecclesiæ *Ostherhouen*. decimas *Goffenpach*, & prædiolum accepto ab ea, *Homingeshube* & prædio *Missebach* in concambium. Testes sunt *Alram* de *Chamb*. *Hartvrich* de *Hagenarve*. *Ekkolf* de *Warte*. *Engelboto* de *Berendorf*. *Wilhaim* de *Mulhaim*. *Regenger* de *lohensdorf*. *Adelbrecht* de *Birenbach*. *Gotebolt* de *Ostherhouen*. Datum anno incarnationis dominicæ M.C.XLIII.

Introductio ordinis ad Ecclesiam cum libertatibus à se de.

Eugenius Episcopus seruus seruorum Dei: dilectis filiis *Truthmaro* Præposito *Ostherhouen*. Ecclesiæ sanctæ *Margarethe* eiusque fratribus tam præsentibus quam futuris regularem vitam inperpetuum professis. Quoniam sine vestræ cultu religionis nec charitatis vnitas potest subsistere, nec DEO gratum, exhiberi officium, expedit apostolicæ auctoritati relegendas personas diligere, & eorum loca pia protectione munire. Ea propter dilecti in Domino filij vestris iustis postulationibus clementer annuimus, & præfatam Ecclesiam, in qua diuino mancipati estis obsequio, sub Beati *Petri* & nostra protectione suscipimus & præsentis scripti priuilegio communimus. Statuentes vt quascunque possessiones quæcunque bona in præsentiarum iustè & canonicè possidetis; aut in futurum concessione Pontificum, liberalitate Regum, largitione Principum oblatione fidelium, seu alijs iustis modis præstante Domino poteritis adipisci, firma vobis vestrisque successoribus illibata permaneant. Sane laborum vestrorum quos proprijs manibus aut sumptibus colitis, siue de nutrimentis animalium vestrorum nullus omnino à vobis decimas exigere præsumat. Statuimus quoque vt ordo Canonicus secundum Beati *Augustini* regulam & institutionem fratrum *Pramonstraten*. perpetuis ibi temporibus inuiolabiliter obseruetur. Addentes etiam interdicens, vt nemini professionis vestræ facultas sit alicuius leuitatis instinctu vel arctationis religionis obtentu sine præpositi vel congregationis vestræ licentia de claustris discedere, quod si discederet, nullus Episcoporum, nullus Abbatum, nullus omnino hominum, sine communium litterarum cautione eum audeat retinere. Si verò secundo tertioque vocatus redire contempserit, liceat eiusdem loci Præposito canonicam in eum proferre sententiam. Liccat quoque vobis in comuni interdictis ipsius terræ exclusis excommunicatis & interdictis submissa voce officia celebrare. Porro sacramenta ecclesiastica à dyocesano suscipietis Episcopo siquidè catholicè fuerit & gratiam atque comunem comunione apostolicæ sedis habuerit, eaq; vobis gratis & sine prauitate aliqua voluerit exhibere. Alioquin Catholicum quemcumque malueritis adeatis antistite, qui nimirum vestra saltus auctoritate, quod postulatur indulgeat. Prohibemus insuper vt nullus aduocatus locum vestrum siue homines vel bona ad ipsum pertinentia iniustis aut indebitis audeat exactionibus fatigare. Sepulturam quoque ipsius loci liberam esse concedimus, vt eorum qui se illic sepeliri deliberauerint, deuotioni & extremæ voluntati, nisi fortè excommunicati vel interdicti nullus obstat, salua iustitia matricis Ecclesiæ. Decernimus igitur vt nulli omnino hominum liceat præfatam Ecclesiam temerè perturbare, aut eius possessiones auferre vel ablatas retinere, minuerè quibuslibet vexationibus fatigare, sed omnia integra conferuentur, eorum pro quorum gubernatione & sustentatione concessa sunt vobis oimodis pro-

dis profutura, salua sedis apostolicæ auctoritate & dioecæsani Episcopi canonica iustitia. Si igitur aliqua in futurum ecclesiastica sæcularitue persona huius nostræ constitutionis paginam sciens, contra eam temerè venire temptauerit secundo tertioque commonita, si non reatum suum congrua satisfactione correxerit, potestatis honorisque sui careat dignitate reamque se diuino iudicio existere de perpetrata iniquitate cognoscat, & à sanctissimo corpore & sanguine DEI & Domini redemptoris nostri & Christi aliena fiat, atque in extremo examine districtè ultioni subiaceat. Cunctis autem eidem loco sua iura seruantibus sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant Amen. Datum *Viterbij* X. Kal. Ian. Indiët. X. An. Dñi M. C. XLVI. Pontificatus Domini *Eugenij* Papæ III. anno secundo.

Confirmatio donationis Ecclesiæ in
Chassen.

C*Hunradus* Dei gratia *Palat.* Episcopus. Vniuersis Ecclesiæ fidelibus salutem & in perpetuum. Nos à Deo inspirati, & religiosis bonorum exemplis prouocati, quæ antecessores nostri Pontifices deuote secundum Dominum in suis priuilegijs nobis tradiderunt renouando confirmamus, & si qua ipsis in eodem spiritu facere potuerimus ne in oblivionem quandoque deueniant, testibus & scriptis commendare curamus; ex quibus est illud quod olim communi utilitate & petitione multorum interueniente, inter prædecessorem meum benedictæ recordationis *Reinbertum* Episcopum & fratres *Osterebrouen.* Ecclesiæ celeberrimæ cum euenientia Cleri & populi *Patauien.* factum est concambium, quando sicut extat in priuilegio illorum fratribus præfatis, Episcopus ille Ecclesiam *Chassen* cum omnibus suis pertinentiis temporalibus pariter & Ecclesiasticis contradidit, & ab ipsis prædium in *Rossenbach* situm pro æquiualeanti concambio recepit. Decimas quoque de curtes ipsorum simili modo contradidit, accepta pro digna commutatione ab eisdem fratrib. *Honingeshube* & prædio *Mistelbach.* Nos igitur & illud & omnem præfato loco legitime factam sine donationem siue quarumcunque rerum commutationem libenter cognoscetes antecessoribus nostris Episcopis non solum consentimus, sed eorum quoque sicut & nostras in quorumcunque beneuolentias sæpe iam dictis fratribus exhibitas omni fauore & astipulatione munimus. Denique tempore nostri Pontificatus tum utilitatis ratione, tum pro litis decisione quem mut. rationabiliter tertiam partem decimarum prædictæ curtis priori innitentes priuilegio sibi vsurpasse videbantur commodum, atque per necessarium, consilio & instantia nostrorum fidelium, nobis & prætaxatis fratribus fieri concessimus concambium; quatenus videlicet ipsis eandem tertiam partem decimarum, quæ in *Gossenspach* nos & vicarium nostrum sacerdotem atinebat perpetuo iure traderemus, & ab eis prædiolū sui iuris in *Christstorff* situm pro concambio sicut factum est recipere. Vt igitur hæc nostra prædecessorisque nostri largitio prædictæ Ecclesiæ *Ostereb.* fratrum inibi DEO famulantium vsibus omnimodis seruitura firma & inconuulsa permaneant, auctoritate apostolica ac nostra sub banno præsentis pagina confirmamus ac stabilimus, & ad iudicium firmitatis paginam hanc sigilli nostri impressione munimus. Testes sunt. Ego *Chunr.* sanctæ *Patau.* Ecclesiæ Episcopus. Ego *Ropertus* presb. S. *Sixti.* Ego *Chunilo* Archipresb. Ego *Robertus* Decanus sanctæ *Patau.* Ecclesiæ. Ego *Syghardus* presb. indignus. Ego *Otto* Archidiaconus S. *Pat.* Ecc. & Cancellarius. Ego *Albertus* presb. & Sacrista *Patau.* Eccl. Ego *Hainr.*